

Ib tug neeg yuav tau kawm ntawv As Kiv, los sis ELL, yog ib tug me nyuam kawm ntawv uas yuav tau muab kev qhia ntawv As Kiv pab txhawb ntxiv rau tim tsev kawm ntawv. Muaj cov ELLs ntau txog 4.9 million (lab) leej nyob rau Teb Chaws Mes Kas.*



**Hauv xyoo 2016, raws li Lub Chaw Tuav Tej Ntaub Ntawv Teev Tseg Rau Fab Kev Kawm Hauv Lub Teb Chaws (National Center for Education Statistics)*

Kev txheeb xyuas ib tug me nyuam kawm ntawv yog ib tug ELL



1. Koj twb teb cov nqe lus nug txog hom lus uas koj siv tom tsev lawm.
2. Ib qho kev ntsuas txog koj tus me nyuam tej txuj ci kev paub ntawv As Kiv rau fab kev mloog, kev nyeem ntawv, kev hais lus, thiab kev sau ntawv.
3. Yuav tsum muab kev qhia ua lus As kiv rau koj tus me nyuam, ntxiv rau lwm cov kev kawm.

ELLs yuav tau ntsuas hom kawm ntawv As Kiv txhua lub xyoo. Cov ntaub ntawv ntsuas no yuav pab ua rau cov xib fwb npaj qhia ntawv rau koj tus me nyuam tau zoo tshaj. Cov qhab nia ntawm qhov kev ntsuas kuj pab ua rau cov xib fwb paub tau tias yuav tso tseg tsis qhia ntawv As Kiv ntxiv rau koj tus me nyuam rau thaum twg. Koj muaj peev xwm siv cov ntaub ntawv ntsuas no coj los pab txhawb tswv yim rau koj tus me nyuam rau tim tsev kawm ntawv. Tham nrog koj tus me nyuam cov xib fwb txog:

- Koj yuav tau txais cov qhab nia ntawm qhov kev ntsuas rau thaum twg thiab yuav soj qab xyuas koj tus me nyuam qhov kawm tau ntawv li cas.
- Koj muaj peev xwm pab txhawb li cas rau koj tus me nyuam qhov kev kawm ntawv rau tom tsev.
- Yuav hloov pauv kev pab txhawb li cas thaum qhia txuj ci kev kawm ntawv As Kiv rau koj tus me nyuam.
- Yuav tso tseg kev qhia ntawv As Kiv rau cov me nyuam kawm ntawv rau thaum twg.

Koj tuaj yeem nug cov nqe lus no tau

- Cov hom phiaj rau kuv tus me nyuam yog dab tsi?
- Kev kawm ntawv As Kiv puas haum zoo li cas nrog lwm cov txuj ci kev kawm ntawm kuv tus me nyuam?
- Koj siv cov me nyuam kawm ntawv tej lus thiab kab li kev cai li cas rau tim tsev kawm ntawv?

Nug txog kev kawm ntawv As Kiv rau tim koj tus me nyuam lub tsev kawm ntawv. Cov me nyuam kawm ntawv yuav tsum tau ntsuas txhua xyoo, tab sis koj muaj cai lees los sis tsis kam lees cia muab kev qhia ntawv pab ntxiv.